

ქვეპროგრამა „საერთაშორისო ფესტივალების მხარდაჭერა“

ქვეპროგრამის მიზანი:

საერთაშორისო ფესტივალების ხელშეწყობა

ქვეპროგრამის აღწერა:

ქვეპროგრამის ფარგლებში გაიმართება სხვადასხვა ფესტივალები, რაც ხელს შეუწყობს ხელოვნების შემოქმედებით ზრდას, რეგიონში კულტურული ცხოვრების გააქტიურებას და კულტურის და ხელოვნების სფეროს ხელმისაწვდომობის გაზრდას.

ქვეპროგრამის ფარგლებში გაიმართება:

- კლასიკური მუსიკის ბათუმის საერთაშორისო ფესტივალი;
- მონოპიესების საერთაშორისო ფესტივალი;
- საავტორო კინოს ბათუმის XIII საერთაშორისო ფესტივალი;
- ბათუმის ანიმაციური ფილმების X საერთაშორისო ფესტივალის არასაკონკურსო პროგრამა;
- გიორგი გარაყანიძის სახელობის ფოლკლორული და სასულიერო მუსიკის ბათუმის საერთაშორისო ფესტივალი.

კლასიკური მუსიკის ბათუმის საერთაშორისო ფესტივალი -

ფესტივალი ყოველწლიურად მასპინძლობს ცნობილ მუსიკოსებს მსოფლიოს ქვეყნებიდან, რაც ბათუმისათვის მნიშვნელოვანია, როგორც კულტურული, ასევე ტურისტული პოტენციალის ზრდის მიმართულებით. ფესტივალი ღიანა ისაკაძის, ჩვენი დროის ერთ-ერთი უდიდესი ქართველი ხელოვანის, დაფუძნებულია და მისი უშუალო პატრონაჟით ხორციელდება. ფესტივალი გამოირჩევა იმით, რომ მისი ორკესტრი არა უბრალო მუსიკოსებით, არამედ მხოლოდ სოლისტებით და უდიდესი ცნობადობის არტისტებითაა დაკომპლექტებული მთელი მსოფლიოდან, რასაც ანალოგი არ აქვს. ფესტივალის ფარგლებში მოწვეული იქნება 50-მდე ქართველი და უცხოელი კლასიკური მუსიკის შემსრულებელი, რომელთა მიერ შესრულდება ცნობილი და პოპულარული ნაწარმოებები.

მონოპიესების საერთაშორისო ფესტივალი -

ფესტივალი ემსახურება თანამედროვე დრამატურგიის განვითარებას, ხელს უწყობს ბათუმში ახალბედა რეჟისორების, დრამატურგებისა და მსახიობების შემოქმედებით ზრდას. ფესტივალის ფარგლებში დადგმული სპექტაკლები წარმატებით იდგმება სხვადასხვა თეატრების სცენებზე.

იმის გათვალისწინებით, რომ ფესტივალი საერთაშორისოა, ყოველწლიურად იზრდება უცხოეთიდან ფესტივალში მონაწილეობის მსურველთა რაოდენობა. ფესტივალს გააჩნია ახალგაზრდა ბათუმელი მოხალისეების დიდი რესურსი, რომელთა რაოდენობა ასევე იზრდება.

ფესტივალის ფარგლებში, საწყის ეტაპზე, შეირჩევა დრამატურგები, რომლებიც დაწერენ მონო-პიესებს სპეციალურად მონო- ფესტივალისთვის. დრამატურგების მიერ დასახელდება რეჟისორები, რომლებიც თავის მხრივ შეარჩევენ მსახიობებს. ბათუმის სხვადასხვა ალტერნატიულ სივრცეში, თანმიმდევრულად ერთი კვირის განმავლობაში, გაიმართება სპექტაკლების ჩვენება, რაც ხაზს გაუსვამს ალტერნატიული თეატრალური გარემოს აუცილებლობას და სიახლის ელემენტების შეტანას თანამედროვე თეატრალურ სამყაროში.

საავტორო კინოს ბათუმის XIII საერთაშორისო ფესტივალი -

ბათუმის კინოფესტივალი არსებობის მანძილზე მნიშვნელოვან საერთაშორისო კულტურულ ღონისძიებად ჩამოყალიბდა. ფესტივალი ხელს უწყობს კინემატოგრაფისტთა შორის კულტურული ურთიერთობების დამყარებას, საავტორო კინოს პროპაგანდას, ტურისტული სეზონის გაგრძელებას და ნაკლებადაქტიურ პერიოდში ტურისტების მოზიდვას, განსაკუთრებით კი შიდა ტურიზმის სტიმულირებას - ფესტივალს ჰყავს უკვე თავისი ერთგული მაყურებელი, რომლის რაოდენობაც ყოველწლიურად იზრდება. ფესტივალს უდიდესი მნიშვნელობა აქვს ბათუმის კულტურული ცხოვრების გააქტიურებისთვისაც - კინომოყვარულებს საშუალება აქვთ დიდ ეკრანზე იხილონ თანამედროვე კინოს სიახლეები, შეხვდნენ და დაესწრონ ცნობილი კინოხელოვანების მასტერკლასებს და პრეზენტაციებს.

ფესტივალის ფარგლებში განვითარდა ინდუსტრიული პლატფორმა (ინოვაციური კინოპროექტების ხელშეწყობა, ცნობილი უცხოელი პროდუსერების და რეჟისორების მიერ ჩატარებული ვორქშოფები), რაც კიდევ უფრო ზრდის ფესტივალის სტატუსს, ინტერესს მის მიმართ და ხელს შეუწყობს ბათუმის პოპულარიზაციას თანამედროვე კინოსამყაროში, როგორც კინოგადაღებისთვის საინტერესო ლოკაციას.

კინოფესტივალის პროგრამა შედგება შემდეგი სექციებისგან:

- მხატვრული, დოკუმენტური და მოკლემეტრაჟიანი ფილმების საერთაშორისო კონკურსები;
- არასაკონკურსო სექცია: რეტროსპექტივები (დიდი რეჟისორების ფილმების კრებული), დიდოსტატთა კოლექცია (გამოჩენილი რეჟისორების უახლესი ნამუშევრები), ქართული პანორამა (ქართული კინოს უახლესი ნამუშევრები) და ევროპის კინოაკადემიის მოკლემეტრაჟიანი ფილმების კოლექცია (წლის საუკეთესო ევროპული მოკლემეტრაჟიანი ფილმები);
- სპეციალური პროგრამა: მასტერკლასები, ვორკშოპები და ფოტოგამოფენები.

2018 წელს მე-13 კინოფესტივალზე სხვადასხვა სექციებში წარმოდგენილი იქნება დაახლოებით 50 სრულმეტრაჟიანი და 80 მოკლემეტრაჟიანი ფილმი, მსოფლიოს 50 ქვეყნიდან.

ბათუმის ანიმაციური ფილმების X საერთაშორისო ფესტივალის არასაკონკურსო პროგრამა - ანიმაციური ფილმების საერთაშორისო ფესტივალი „თოფუზი“ ქ. ბათუმში პირველად 2009 წელს გაიმართა და მნიშვნელოვან სიახლეებსა და ურთიერთობებს დაუდო სათავე. 9 წლის განმავლობაში ფესტივალმა დაიმკვიდრა თავი და გადაიქცა ანიმაციურ ფილმების ტრადიციულ საერთაშორისო ფესტივალად და გახდა ქალაქის კულტურული ცხოვრების განვითარების ერთ-ერთი სიმბოლო. ამ წლების განმავლობაში უამრავმა ფილმმა მიიღო მონაწილეობა ფესტივალში მსოფლიოს სხვადასხვა ქვეყნიდან. ფესტივალის მსვლელობისას იმართება სხვადასხვა გასართობ-შემეცმნებითი ღონისძიებები, როგორებიცაა: უახლესი ქართული და უცხოური ანიმაციური ფილმების კინოჩვენებები, ვორქშოპები - სადაც ანიმაციით დაინტერესებულ ახალგაზრდებს პროფესიონალი ანიმატორები აცნობენ ანიმაციის წარმოების პროცესებს და ეხმარებიან მათ საკუთარი პატარა ანიმაციის შექმნაში, ახალგაზრდა ანიმატორების პროექტების პრეზენტაციები, მასტერკლასები - რომლებსაც ფესტივალზე სპეციალურად სხვადასხვა ქვეყნიდან მოწვეული პროფესიონალები მართავენ, თოქ-შოუ - რომლის ფარგლებშიც მონაწილეებს საშუალება აქვთ კითხვა-პასუხის რეჟიმში მიიღონ სხვადასხვა ინფორმაცია წარმატებული კინოხელოვნებისგან და ა.შ., საქმიანი შეხვედრები - რომლის დროსაც ქართველი ანიმატორები, რეჟისორები და სცენარისტები საქმიან გარემოში ხვდებიან ქართველ/უცხოელ პროდუსერებს და ანიმაციური სტუდიების წარმომადგენლებს.

2018 წელი „თოფუზისთვის“ მნიშვნელოვანი წელია, რადგან ფესტივალი 10 წლის ხდება. საიუბილეო თარიღთან დაკავშირებით გაიზრდება ფესტივალის მასშტაბები, რაც გამოიხატება საფესტივალო ღონისძიებების რაოდენობის და მრავალფეროვნების ზრდაში,

კერძოდ, მოხდება ვორქშოპებზე ახალი ტექნიკების დამატება, ამასთანავე მოწვეული ქართველი და უცხოელი სპეციალისტების მიერ სხვადასხვა საგანმანათლებლო სესიების ჩატარება ანიმაციით დაინტერესებული ახალგაზრდებისთვის და შეხვედრების დაგეგმვა ავტორებსა და სტუდიების ხელმძღვანელებთან შორის, რათა დამწყებ ანიმატორებს მიეცეთ თავიანთი იდეების განხორციელების საშუალება.

დამატებითი ინფორმაციისათვის დაუკავშირდით:

ქ. ბათუმის მუნიციპალიტეტის მერია

საკონტაქტო პირი:

ლამზირა ბოლქვაძე

ტელ: 24-82-94